

娛

親

雅

言

娛親雅言卷四

歸安嚴元照

三傳 國語增

左隱六年傳善鄭以勸來者猶懼不訖杜預云訖至

也一切經音義兩引皆作暨

十二達磨多羅經又十八分別功德論

二元照案暨及也義如論語學如不及猶恐失之

暨之爲訖古文假借在莊九年經公及齊大夫盟

於訖公穀皆作暨左氏古文家也

又八年傳諸侯以字爲謚因以爲族元照案服子慎

云公之母弟則以長幼爲氏貴適統伯仲叔季是

也庶公子則以配字爲氏尊公族展氏臧氏是也

是服本諡作氏鄭康成本則作諡故其注儀禮

少牢

饋食云大夫或因字爲諡春秋傳曰魯無駭卒請諡

與族公命以字爲展氏是也又禮記

檀弓上

魯哀公

誄孔子注云尼父因其字以爲之諡

左哀十六年傳正義云鄭

元鎔讀左傳云以字爲諡遂復妄爲此解

服鄭兩本不同而句法則無

異若杜預乃以爲諡二字屬下爲句云卽先人之

諡稱以爲族元照竊謂服鄭說皆可通而究以服

義爲正此當以本文斷之羽父所請者氏與族也
公之問不及於諡故云問族於眾仲則眾仲之對
無緣及諡公命以字爲展氏卽以字爲氏也諸侯
之禮也氏族未嘗有二當時以爲氏者後世子孫
則以爲族如無駭子孫皆氏曰展卽成族矣似服
本較勝也杜解雖無甚謬然從其讀則不辭

陸榮
左傳

附注据駁五經異義引作氏遂謂
鄭本作氏核之禮注乃知其非

桓五年傳旂動而鼓賈景伯以旂爲發石說文

部云

旂建大木置石其上發以機以追敵也許君受學

於賈故用其師說元照案三國志袁紹傳太祖爲發石車擊紹樓皆破魏氏春秋云以古有矢石又傳言旛動而鼓說曰旛發石也於是造發石車

見裴

松之注引

是曹操嘗用其說以制敵矣杜解云旛旂也

通帛爲之蓋今大將之麾也此說於古無徵案馬融廣成頌旛旛森其如林旛旛竝舉杜殆緣此而臆爲之說乎

章懷後漢書馬融傳注卽用杜解徐新田云養原案賈馬同治古文廣

成頌蓋用師說

元照案詩其會如林說文引作

旛廣成頌旛旛云如林當亦用詩語未必以旛爲旛

類也新田此說與錢

正義亦云旛之爲旛事無所

氏後漢書攷異合

出然例依本注不得不曲爲之釋也又云發石非
旌旗之比說文載之𠂔部而以飛石解之爲不類
矣錢廣伯馥云族字亦載𠂔部而以矢鋒解之獨
非不類乎正義之辨強而無理矣○袁文齋牖閒
評用杜說以詆說文其言可勿置辯其云魏晉以
來造雲旛翔旛飛旛連旛竟以旛爲軍中飛石而
不知其誤自說文案所舉諸旛之名正可爲說文
之證

十三年傳及鄴亂次以濟遂無次釋文云本或作亂

次以濟其水元照案水經注

二十八
河水下

云汴水與夷

水亂流東出謂之淇水春秋莫敖亂次以濟淇水

是也据此則其當爲淇鄆水卽夷水鄆夷聲相近

梁曜北云淇誤爲其趙氏水經注釋
辨之後漢書南蠻傳注引亦誤其

武闢見閔二年傳正義云名之曰武其義未聞元照

案魯有僖閔見襄十一年傳杜解云僖公之門正

義云僖公之廟門也武闢殆武宮之門耳武闢僖

閔稱謂政類

丁教授云武宮重立於成公六年不
知毀於何公之世當攷

元照案或

武宮已毀而其地尙
仍舊名亦未可定

僖五年傳且虞能親於桓莊乎甚愛之也服本作甚

解云愛之甚元照案也古通邪此謂虞之於晉豈

能更親於桓莊乎而愛之甚邪文義本無輕戾正

義乃云當謂愛桓莊之族甚也

此正義申服注而失其旨者也近蘇

州嚴氏輯左傳古注以此語爲服注非也

愛之若甚何以誅之且文勢

不順又改字失真繆之甚也正義錯會服意過加

抨擊蓋於左傳一意扶杜先儒成說不免曲意詆

排而於杜所闕解者亦不屑引用賈服其用心甚

偏且服先於杜乃据杜本而謂服改字尤不然矣

十五年傳此一役也秦可以霸元照案此言秦之定霸在此一役耳一役猶曰一舉承上懷德畏荆而言知不可鑿指爲何事服氏以一役爲戰韓之役似已失旨杜解云言還惠公使諸侯威服復可當

一事之功說尤迂曲

孫監察云志祖案一役卽指歸晉侯許周生云宗彥案

杜解不誤特文詞迂拙耳
臧在東云未免太迂太拙

十六年經六鵠退飛過宋都釋文云本或作鵬惠氏

棟

補注云說文引春秋傳亦作鵬或從二傳之文

左氏當不爾也元照案說文所稱春秋傳皆左氏

古文見於自序引公羊則曰公羊傳著姓以別於
古文也若穀梁則未嘗引及此所引春秋傳斷屬
左氏蓋鵠字三傳相同本無作鵠者攷說文鵠或
作鵠又引司馬相如作鵠則無从益之字

廿二年傳聲盛致志鼓僂可也杜解云僂巖未整陳
元照案此卽曲禮毋僂言之僂說文云僂互不齊
也蓋師行擊鼓以箚和之以鐃節之以鐃止之以
鐸通之地官鼓人不使其聲亂也比其盛也雖僂互不
齊可也故曰僂其曰僂巖云何案巖與碧同說文

石部 暑暑暑也

僂暑音同鄭氏曲禮注僂猶暫也

洛誥用顧畏于民

暑孔傳暑僭也正義云暑卽巖也參差不齊之意

廣韻

二十

暑僭差也僂巖僂互厥義相符

廿三年傳浴薄而觀之晉語

設微薄而觀之

列女傳文

同 韋杜皆訓薄爲迫元照案此帷薄之薄也不可

訓迫莊子

達生

高門縣薄司馬彪注薄簾也微薄謂

疎簾也韋訓微爲蔽亦非高誘注淮南道應引此事

云設薄以觀之是漢儒舊說以爲帷薄矣。左傳

釋文引國語云薄簾也宋氏國語補音云今案韋

注亦訓迫無簾薄之說恐是賈唐所注

目八年傳曲踊三百距躍三百杜云百猶勦也釋文

作勦正義作勵元照案說文

力部

勦讀若厲故勦又

作勵釋文正義異而實同百當從釋文音陌陌勦

聲相近正義從本讀恐非三百之義未詳邵氏左

觶云蓋踊躍之度大約有此

錢先生云大昕案晏子枕尸股而哭之三

踊而出是踊以三爲節
臧在東云邵說與古合

又楚子玉自爲瓊弁玉纓服氏解誼謂馬飾

王制正義引

案西京賦駕彫軫六駿駉戴翠帽倚金較璫弁玉

纓遺光儵爚薛綜注弁馬冠也又

毛本誤又

髦以璿玉

飾纓馬鞅

毛本誤鞭

也以玉飾之說文引左傳作璿弁

與平子賦同薛注亦與服義同服義不可易矣蓋

弁卽緜也說文

糸部

緜馬髦飾也春秋傳曰可以稱

旌緜乎緜或作縹舁籀文覓

覓卽弁之正體

弁緜音義皆

同薛綜又髦之義與說文台杜解獨以弁爲弁冕

引詩會弁如星證之殆泥未之服也之文故辨一

解案爾雅

釋言

服整也未之服言未整備耳當依服

義

文十三年傳晉六卿相見於諸浮元照案相見謂行相見之禮也士相見禮曰上大夫相見以羔飾之以布四維之結于面左頭如廡執之如士相見之禮注曰上大夫卿也當時晉六卿於諸浮行此禮故云相見於諸浮若泛常覲面何日不有而云相見乎杜氏於此不著一辭正義遂云出就外野屏人私議殆近於野人之談矣

又不如隨會能賤而有恥正義引服氏云謂能處賤且又知恥元照案世祿之家鮮能處賤其能處者

率皆闖背之徒又鮮知恥隨會不然是以可貴服
氏舊說無可疑者邵氏左臙謂能字句絕能言才
也如孟子能者在職之能說非悖理然舊解無病
毋庸更張或有附會邵說者謂此能字與上能外
事相對又謂能字下屬不成句法此則鑿而無當
矣

十五年華耦來盟傳云魯人以爲敏杜云無故揚其
先祖之罪是不敏魯人以爲敏明君子所不與也
元照案杜解淡得經閑然以左氏通例求之似未

盡符上文旣云貴之此不容視爲微辭也正義以
魯人爲魯鈍之人尤失之鑿并非杜意

十七年傳將悉敝賦以待於儵杜云儵晉鄭之竟言
欲以兵距晉許周生云儵本庸地之入於楚者見
十六年傳子家言欲悉眾從楚所謂鋌而走險急
何能擇也此時正晉楚爭鄭之日鄭欲從楚故晉
人懼而行成耳不然鄭安能與晉抗乎錢先生云
與庸相距甚遠恐
禾可合爲一地

成二年傳韓厥執繫馬前說文

馬部云

本作鼻隸變
作學非从中

也字絆馬也从馬口其足春秋傳曰韓厥執驂前讀
若輒或作繫从糸執聲元照案杜本作繫從或體
也馬字衍當据說文所引刪之前之爲言進也增
一馬字似謂齊侯之馬前矣非也

三年傳鄭賈人有將賓諸褚中以出杜氏無解元照
案以綿裘衣曰褚見漢書南蠻傳注當取此訓與

襄三十年傳褚字義別

臧在東云鑪當謂儀禮茵著用茶著卽古褚字

襄卅年傳取我衣冠而褚之杜訓褚爲畜元照案

一切經音義

四分律四十一

引左傳作貯呂覽

樂成

亦作貯

抱經先生云地官廛人注有嗜藏字釋文云嗜本

或作貯又作褚

孫監察云志祖案杜訓為畜亦有貯義臧在東云案貯亦畜也然

古文當作褚

○昭三年傳請以印為褚師疑亦主衣服

之官杜以為市官其說無徵

錢先生云大昕案以廛人注褚藏字又作

褚證之則杜以褚師為市官似可通

宋有褚師段

襄廿年

褚師子肥

哀八年

年衛有褚師圃褚師子申

昭廿年

褚師定子

哀廿六年褚

師比

即聲子哀十五年

杜皆無解

匡繆正俗

四

云襄五年楚公子王夫字子辛學者以

其字子辛遂改為壬夫同是日辰名字相配也案

楚公子午字子庚庚是十榦午是十支法有相配
或者此人以庚午歲若庚午日生故名午字子庚
耳辛壬同是十榦若以辛生不得名壬若以壬生
不得字辛此與庚午不類固當依本字不宜穿鑿
改易錢廣伯頽云石癸字甲夫白丙字乙皆同取
十榦爲名字古人未嘗無此例也顏氏此論毋乃
知其一未知其二

襄十八年傳伐雍門之萩元照案古字艸木偏旁可
容通假萩卽楸也楸於爾雅爲槐於說文爲梓漢

書東方朔傳萩竹籍田注云萩卽楸字又貨殖傳
山居千章之萩又榮南河濟之間千樹萩樂彥云
萩梓木也師古注云萩卽楸樹疑字也此可取以
證傳○萩蕭也見爾雅說文此萩之正訓傳旣云
伐知非蕭明矣說文繫傳於萩字下注云左傳或
借此爲楸字卽指此也

廿六年傳鄭於是不敢南面元照案鄭氏禮注曰面
猶嚮也

見夏官擲人又見禮記玉藻

封禪文回首面內亦當訓

嚮不敢南嚮言不敢事楚也楚在鄭南○說文

人部

面鄉也从人面聲少儀曰尊卑者側其鼻鄭本亦作面

廿九年傳其周德之衰乎杜云衰小也正義云衰者差也九章算術謂差分爲衰分言從大漸差而小故杜以衰爲小元照案依杜解則衰當讀楚危切釋文無音漏也若服氏解爲衰微則當如本讀然釋文固非從服者

臧在東云此條似杜注是

昭元年傳趙孟曰天平正義云國無道而歲又饑則君或早天元照案后子言秦不以趙孟故疑其君

當早天近本誤作天平唯唐石經不誤

又楚公子圍設服離衛杜云離陳也元照案離羅聲相近方言七云離謂之羅羅謂之離郭璞注云皆

行列物也此離衛謂陳列衛士杜解合於訓詁正義乃以離之爲陳無正訓未之攷耳。離衛當從

杜解卽指二執戈者服氏云二人執戈在前在國

居君離宮陳衛在門

杜訓離爲陳卽用服誼。服所云離宮卽指蒲宮見正義

案設服離衛乃盟時陳設非其在國時事也

二年傳四升爲豆此卽攷工記瓶人豆實三而成穀

之豆也釋文於周禮左傳皆無音廣雅

釋器

云升四

曰豆曹憲亦無音豆當讀本字明矣顧氏

炎武

杜

解補正引毛晃曰豆當音斗後人誤作俎豆之豆
用之攷工記一獻而三酬則一豆矣豆古斗字元
照案一獻而三酬梓人之文梓人注云豆當爲斗
下文飲一豆酒注云一豆酒又聲之誤當爲斗然
則斗之爲豆聲誤耳非古字也毛氏不引旃人而
引梓人又誤讀鄭注顧氏遽取以補杜何耶

三年傳少齊有寵而少齊必繼室近本皆作少姜元

照案二年傳少姜有寵於晉侯晉侯謂之少齊杜
云爲立別號所以寵異之乎大叔言其有寵故從
其別號稱之當從釋文唐石經校改顧氏金石文
字記以石經爲誤蓋未見釋文也○服氏云所以
寵異不與齊眾女等言齊國如此好女甚少据此
則少當讀本字釋文雖不從服而少齊之義杜無
別解不合亦音詩妙反與少姜一例也

七年傳我若獲沒必屬說與何忌於夫子使事之而
學禮焉正義云此旃仲尼未仕不得稱爲夫子以

未仕之時爲仕後之語是卽明意尊之而失事實
元照案召其大夫而屬二子於大夫此夫子乃指
大夫而非孔子若指孔子不當曰使事之矣且觀
將有達者曰孔某今其將在孔某乎孟孫固未嘗
稱孔子爲夫子也果如正義所說則傳中兩舉孔
子之名左氏盍不盡改之乎○檀弓上正義云孟
僖子將卒召其大夫云屬說與何忌於夫子以事
仲尼似以夫子屬大夫言孫監察云志祖案此是
面屬大夫之詞何得云
我若獲沒必屬說與何忌於大夫乎似不如舊說
爲順錢先生云大所案稱孔某者對大夫言之

稱夫子者對說與何忌言之所謂夫言豈一端而已
已僖子欲二子以仲尼爲師弟子於師固當稱夫子
于矣此大夫乃孟氏家臣似不當夫子之稱鄙意
亦謂當從舊解元照案秦穆公稱孟明爲夫子
見文元年傳似與孟孫稱家臣相類徐新田云
養原案必屬說與何忌於夫子使事之作一句讀
則順矣若以夫子爲
孔子則屬字似無著

十二年傳有酒如淮有肉如坻釋文云淮舊如字四
瀆水也學者皆以淮坻之韻不切云淮當爲濰濰
齊地水名荀吳旣非齊人不應遠舉濰水古韻緩
作淮足得無勞改也正義云劉炫以爲淮坻非韻
淮當作濰以規杜氏令知不然者以古之爲韻不

甚要切据詩

約疏語

儀河敦綸尙得爲韻淮坻相韻

何故不可元照案劉說固非而陸孔兩家於淮坻

爲韻不能無疑故其言多牽率淮从佳聲灘从維

聲而維亦佳聲淮灘二文未見其異音也从佳聲

者古讀如韋故帷之古文作匱

說文

巾部

釋名

水淮韋

古韋

也韋繞揚州北畛東至海也此漢人讀淮如

韋之明徵韋坻相韻準諸古今無不諧者後人讀

淮作石乖反故疑其與坻不協而不知石乖之音

亦出一聲之轉也

顧亭林云淮字當從佳人之

佳乃得聲令本說文亦誤元照案此亦失攷淮之

本音而輕於立說者也

徐新田云義原案脂與皆据亭林說本屬一韻乃欲

改淮字从佳
真不可解

翠被見十二年傳杜解但云以翠羽飾被而不釋被

義漢書西域傳

下

亦有翠被師古又無注羣經音

辨三

云被衣也普義切引此傳爲證元照案楚詞

九章
惜誦

被明月兮珮寶璐王逸云在背曰被釋名

衣服

帔披也披之肩背不及下也詳其語意殆後世斗

篷之屬歟帔披皆俗字

又筆路藍縷以啟山林方言

七

引作肩戴氏方言疏

證云肩啟古通用元照案說文肩在口部開也啟

在支部教也此傳訓開則作肩爲正疏證尙未甚

審

錢先生云此類古人通用不必過爲區別

臧

在東云非不知古人原通然既有舊本作肩於本義更合以證正字之僅存不亦可乎左氏本古文揚子雲正識古文者

十三年傳鄭伯男也鄭仲師服子慎皆云鄭伯爵在

男服也王肅云連男言之猶言曰公侯足句辭也

杜解從主說元照案桓二年傳令晉甸侯也杜云

諸侯而在甸服者

晉語 今晉國之方偏侯也章注方大也偏偏方也乃甸內偏

方小侯也傳曰定四年傳曹爲伯甸杜云以伯爵

居甸服言小元照謂伯男文法與甸侯伯甸相類

子產言卑而貢重者甸服也其言男正所以自別

於甸如王注則與上文殊欠關照矣周語鄭伯南

也男南古通用韋注亦作男服解

鄭服王三說皆見正義引正義

又引賈逵云男當作南謂南面之君也元照案國語注引賈侍中云南者在南服之侯伯是正義誤以賈說爲鄭服之說矣又引或云南南面君也是正義又誤以或說爲賈說矣又引鄭司農南謂子男云云是仲師未嘗作男服解而王注亦本諸仲師而非自造者韋氏三國時人視唐人宜得其真○毛詩鄭譜正義引賈逵以爲鄭伯爵在男畿此則不誤○正義引鄭服之說

而辨之云周禮男服在三距王城千五百鄭去京
師不容此數元照案國語注云周公雖制土中設
九服至康王而西都鎬京其後衰微土地損減服
制改易故鄭在男服錢先生云此說甚好韋注可破正義之
惑

十四年傳三數叔魚之惡不爲末減曰義也夫杜云
末薄也減輕也正義云服虔讀減爲咸下屬爲句
不爲末者不爲末槩俗作抹煞隱蔽之也咸曰義也言
人皆曰叔向是義元照案家語正論引此文作或曰

義注云或左傳作咸家語雖王肅偽造然在杜氏之前故所采輯猶與服合自杜解而後人相承以末減二字連用爲減罪解矣減咸古通用見惠氏禮記古義

廿五年傳季氏介其雞賈景伯云擣芥子爲末播其

翼可以全雞目淮南注人云介以芥菜塗其雞翅

杜解從賈義鄭眾云介甲也爲雞著甲呂覽注察

云介甲也作小鎧著雞頭也孫監察云呂覽淮南注並出

互異何也元照案許慎高誘並注淹今本或題許或題高實則兩家涵滑此注不同即許高之

異

正義例從本注而獨於此則是鄭說元照案史

記魯世家云季氏芥雞羽

服虔注同賈說

賈君据此爲詁

義不可易凡魏晉以下鬪雞詩如芥羽張金距

應

猜羣芥粉生

王

芥羽忽猜儻

梁簡文帝

芥羽糠塵生

褚

翅中含芥粉

劉孝威

芥粉盞春場

庾信

數詩皆用賈服

義正義申鄭而抑賈殊不然也芥羽之法見於宋

周去非嶺外代荅○王觀國學林謂史記改介爲

芥袁文襄牖閒評又謂杜預因史記改作芥字遂

有擣芥之說其說均不足辨芥之爲介古字省文

廿五年傳宋元公曰唯是楸柎所以藉榦

正文者請作榦

無及先君說文

木部

引作楸部薦榦

部柎薦藉音皆相近

云楸

部方木也元照案榦榦皆从軌聲古通用爾雅

釋言

榦榦也說文

木部

榦築牆端木也檀弓

上

周人牆置

翬注牆柳衣也又孔子之器飾棺牆注牆之障柩

猶垣牆障家又設簣翬注簣翬棺之牆飾周禮簣

作柳釋名

器服

其翬曰牆似屋牆也成二年傳宋文

公卒棺有翰檜杜云翰翬飾愚謂此傳之榦即翰

檜之翰禮經所謂牆也楸部者棺底之方木所以

承榦者

薦藉皆訓承

文公之有翰檜乃僭王禮其後遂

承用之元公請無及先君殆卽指此杜云榦柎棺中苓牀也幹骸骨也幹之義不確

廿六年傳鑿而乘於他車以歸杜云鑿一足行正義云旣斲其足而云鑿知鑿是一足行也說文云鑿金聲也蓋擊金爲聲亦名鑿惠氏補注云案說文鑿讀若春秋傳曰鑿而乘它車則傳本作鑿故訓一足行若從金與斲足無涉必傳寫之譌正義攷元照案五經文字金部鑿卽正反金聲也又一

足行見春秋左氏傳知傳中鑿字非誤漢儒讀若
之字不必異文蓋一字或有數音也卽說文一書
此例屢見徐鼎臣於此致疑未通於古耳見示部
彙字下
鑿注鑿字乃傳寫之誤說文足部所無不可據以
爲正且兵刃以金爲之从金未爲無涉

廿六年傳率羣不弔之人杜云弔至也元照案弔至
釋詁文費誓無敢不弔鄭注弔猶善也詩小雅節
南山

不弔昊天傳訓爲至箋云至猶善也至有善義不
弔之人謂不善之人也顧氏杜解補正云好行禍

亂不相弔恤之人

引傳遜辯誤

說非不合然不若杜解

之近古

廿七年傳進胙者莫不謗令尹杜云進胙國中祭祀

也元照案呂覽

慎行論

載此事云動作者莫不非令

尹動作謂力役之人也疑進胙即動作之駁文動

古文作通

說文力部

與進相似又案詩

大雅蕩

侯作侯祝

傳云作祝詛也正義云作即古詛字

錢先生云大昕案楚人向

鬼國中祭祀皆有祝詛之言杜說似長不必改從

呂書

臧在東云庸堂案動亦進也杜說誠佳然

謂進胙即動作之異文亦確也

定九年傳鏃其軸麻約而歸之元照案方言九其上約謂之筴注卽輦帶也又三十筴薄也注謂薄裹也約猶纏也此可證傳義麻約謂以麻纏裹之也約猶束也筴乃俗書

哀十七年傳如魚窺尾衡流而方羊裔焉大國滅之將亾賈景伯以裔焉屬上讀解裔爲水邊言衛侯將若此魚杜依賈說劉光伯云卜繇之辭文句相韻裔焉二字宜向下讀之其論允矣正義例從本注故於左傳不得不加辨駁而毛詩召南正義引

傳如魚鏡尾衡流而方羊則從劉讀也元照又案古焉於同物裔焉大國言鄰於大國也光伯謂土地遠焉之大國文義晦澁宜正義以為不辭矣

廿四年傳是憲言也服氏云偽不信言也杜云憲過

也釋文云憲石快反字林作憲云夢言意不慧也

意字疑衍 臧在東云殆謂夢言之元照案說文頃意不聰慧耳末可以說文疑其衍

部心憲夢言不慧也字林即廣雅憲寤也釋說文寤

寤瞑言也通俗文夢言謂之寤一切經內典四分音義引律三

十有寤語之文僧元應音義四云舊律本多作憲

舊二形廣韻十三祭云憲寐言舊同又云寐睡言憲

噤同据此則憲與寐通列子周穆王云眠中吟噤呻

呼憲言猶云夢噤語耳服杜說皆未了○說文足部

憲衛也與此義不符舊噤皆俗書當以憲爲正

春秋時唯宋晉鄭三國具六卿孫監察云志祖案魯亦備六卿臧在東

云魯有六卿未見所出魯之三卿卽三家也孫監察云志祖案魯有司徒司馬司空三桓世爲之

此外尚有羽父爲大宰夏父弗忌爲宗伯臧孫紇爲司寇俱見左傳則備六卿矣宋之六

卿左師右師司徒司馬亦稱司武見襄六年傳司寇司城卽

空宋以武公故是也此据文七年十六年昭廿二年哀廿六年傳其始廢司空爲司城

也官不備以一人而攝兩卿如公子目夷爲左師

僖九年又爲司馬僖十年之類大司徒大司馬傳亦從

省不悉稱大孔父嘉公子目夷公子卬三人爲大

司馬亦曰司馬

隱三年傳召大司馬孔父而屬殤公桓二年傳孔父嘉爲司馬僖十

九年傳司馬子魚曰廿二年傳大司馬固諫文七年傳樂豫舍司馬以讓公子卬八年傳殺大司馬

公子華定爲司徒出奔邊卬代之而昭廿二年傳

云邊卬爲大司徒此可以互證少司馬之官華

曾爲之見昭廿一年其時貍父費遂爲大司馬

亦稱

司馬自貍之後少司馬不復見公孫忌代費遂爲大

司馬

廿二年傳

不聞有代疆者哀廿六年傳皇非我爲

大司馬時亦無少司馬也少司寇之官始見成十

五年傳向爲人爲大司寇鱗朱爲少司寇其後華

慆亦爲少司寇

昭廿一年

及樂輓

昭廿二年

樂朱鉏

哀廿六年爲

大司寇時又不復有少司寇蓋六卿之貳亦時立

時廢者至大宰之官殆又居六卿之外者華督之

後唯成十五年向帶爲大宰魚府爲少宰後亦不

復見

孫監察云志祖案襄十七年傳皇國父爲大宰又襄九年傳使西鉏吾庀府守杜注鉏吾

大宰

則三宰亦非常建者

孫監察云志祖案列子仲尼篇韓非說林俱有

商大宰是孔子時猶有此官非不常建也 元又
照案商大宰蕩問仁於孔子見莊子天運篇

案宋其公時華元爲右師魚石爲左師蕩澤爲司
馬華喜爲司徒公孫師爲司城向爲人爲大司寇
鱗朱爲少司寇向帶爲大宰魚府爲少宰此時居
卿位者九人臧在東云未必九人皆卿亦屬一時建置如此非
成例也

外傳周語上昔我先王世后稷以服事虞夏韋注后
君也稷官也父子相與曰世謂奔與不畱元照案
注意謂先王世世爲稷官也與史記周本紀文同

南宋刻本脫去王字學者讀先世后稷疑是專屬

於奔則以字文義既不屬而注語皆成鈎棘矣

抱經

先生云左成十六年傳正義所引有王字

又攷武成正義云后稷非王

尊其祖故稱先王周語云昔我先王后稷又曰我

先王不窋据書疏所引則唐本有脫世字者而王

字未嘗脫也

徐新田云養原案國語前云昔我先王世后稷不知先王爲何人故注云

父子相繼曰世

謂奔與不窋後云我先王不窋則

既知其入矣故注云周之禘祫文武不先不窋故

通謂之王明不窋所以得稱先王之意又云商頌

亦以契爲元王是稷亦可稱王明上文所謂先王

通指奔與不窋韋氏兩注自相發明益見王字當

補或因韋注於後始釋先王疑前文不合有王字

者第弗

淡攷耳

又下聽無聾注不聾耳而聽元照案方言六聾聾聾

也生而聾陳楚江淮之間謂之聾荆揚之間及山

之東西雙聾謂之聾廣雅三釋聾聾也聽無聾言

其聰也聽言而若罔聞躁妄之人也故下云聽無

聾成也注成定也不當作聾耳解徐新田云養原

與方言

訓同

又下及定王王室遂卑法定王頃王之子靈王祖父

而言及定王王室遂卑非也定當為貞貞王名介

敬王子也元照案貞王本諡貞定見漢書古今人

表下國語史記皆從省稱定王亦猶衛獻聖武公

之稱武公公叔貞惠文子之稱文子也貞定王乃

靈王元孫○史記索隱周本紀謂貞定王之稱出自

皇甫謐蓋未檢漢書也

晉語一雖蝸譖焉避之不若戰元照案方言七蝸噬

逮也蝸噬卽爾雅之遑遑釋言古文偏旁通借耳又

二陷於大難乃逮於讒蝸譖卽逮讒之義韋注訓

蝸爲木蟲從本字爲訓似失之矣

又簦笠相望於艾陵注唐尚書云簦夫須也元照案

簦不當訓艸名詩

小雅都人士

臺笠緇撮爾雅

釋

臺夫

須唐尚書本殆作臺笠與毛詩同故以夫須解之

臺說文从艸臺簦形近而誤韋氏不辨別字體而

謂唐以夫須訓簦非也

梁曜北云所見國語及宋氏補音皆作臺何也元

照案簦字說文艸部所無竹部有簦字云笠也韋云簦笠備雨器也則自當从竹近時翻刊宋明道

本國語

从竹

吳語命圭有命不曰吳伯而曰吳王注吳本稱伯故

曰吳伯史記索隱

吳世家

据之以爲吳本伯爵元照

案吳本子爵春秋經從無吳伯之稱今据國語而
以爲本伯爵是春秋不足信也蓋吳之稱王歷世
已久黃池之會正當憤盈之際晉方懼吳若遽指
其實慮增其怒故易其辭以相入冀其降心以相
從也下又云君若無卑天子以干其不祥而曰吳
公吳伯吳公皆一時權宜之詞而韋仞以爲實然
誤矣錢先生云公羊傳云春秋伯子男一也鄭本
伯爵而子產云鄭伯男此自卑之稱吳本子
爵而云吳伯此尊之之稱皆合於公羊之義徐
新田云養原案伯者長也天子命吳爲諸侯長不
命吳爲王也此
說未知可否

公羊隱四年傳吾爲子口隱矣隱曰吾不反也何邵

公曰口猶口語相發動也元照案口疑卽訃之省

文說文部言訃扣也如求婦先訃歿之何云發動與

訃歿義近

七年傳母弟稱弟母兄稱兄邵公曰母弟同母弟母

兄同母兄左宣十七年傳凡稱弟皆母弟也杜預

云庶弟不得稱母弟元照案二傳之所謂稱者指

春秋之書法非指其家庭稱謂也錢先生云此說至確春秋書陳

侯之弟招秦伯之弟鍼宋公之弟辰衛侯之兄縶皆同母兄弟也齊侯使其弟年鄭伯使其弟語亦

是此例號之會書陳公子招不云陳侯之弟者諸侯之大夫具在不當殊之也

又云二傳云曹無

大夫吳無君無大夫皆謂春秋書法無特書者耳豈有列國而無君大夫者乎春秋書法

凡稱兄弟者皆其母弟母兄否則書曰公子蓋有母弟而稱公子者矣未有非母弟而稱弟者杜預所謂庶弟不得稱母弟而母弟或稱公子是也若夫家庭之內自相稱謂適子之於庶兄弟不稱曰兄弟又將安稱

徐新田云養原案詩云人之無良我以爲兄公子頑惠公之庶兄也

桓十六年傳屬負茲邵公云諸侯有疾稱負茲元照

案金縢如有丕子之責于天鄭注讀丕爲不史記

周公世家作負子白虎通云諸侯曰負子負子者諸侯

子民今不復子之也

御覽七百三十九引禮記音義隱云諸

侯曰不茲不丕負聲相近茲爭亦相似皆通用此

古義郭璞注爾雅蓐謂之茲

釋器

引此傳以茲爲蓐

以負爲背負說已近俗此疏乃謂負事繇多尤失之矣

文七年傳眡晉大夫使與公盟也邵公云以目通指

曰眡元照案指謂意指也字本作指說文

心指意部

也假借从手以目通指謂目動以示意也儀禮疏

云通指通其揖意是也又僖二年傳獻公揖而進之邵公曰以手通指曰揖與此傳同疏云言其用目眊之而并指向魯則誤解作手指矣

許子詠云宗彥案疏

亦不誤古人措詞少晦耳

宣六年傳靈公望見趙盾慙而再拜邵公曰慙者驚

貌釋文有所革訴路二音元照案如何解當讀所

革反愚謂慙義如詩遡其過澗之遡遡鄉也

毛國傳

策衛君跣行告遡於魏注云慙同此慙遡相通之

證靈公不欲盾有所言故望見其來先迎而拜之

以關其口蓋巧於拒諫如此趙盾逡巡再拜而出

逡巡退辟也釋文下一音未爲不允

臧在東云慙遜誠通而訓

驚義迎與望見意複也精思之何如

孫監

察云志祖案先望見而後迎之未見意複

十二年傳不赦不詳吾以不詳道民災及吾身何日

之有邵公曰善用心曰詳韓詩外傳

六

春秋繁露

王皆作祥元照案古詳祥通用

見惠氏公羊古義

左成十

六年傳德刑詳義禮信从言儀禮

士相見禮

忠信慈祥

从示一也漢人皆訓善蓋詳祥皆从羊聲善本作

諱从言从羊義類本相近耳善用心猶曰以善存

心也

黃氏日抄

卅一

論公羊襄廿九年傳云爾殺吾兄之語

非也僚乃札兄之子光殺僚非殺札之兄也元照案以僚爲餘昧之子史記之說公羊則以僚爲札之庶兄說本不同傳云謁也餘祭也夷末也與季子同母者四又云僚者長庶也以札有庶兄在故特叙同母者四人而指僚爲長庶服虔解左傳云僚者夷昧之庶兄高誘注呂覽

忠廉

云閼廬纂庶父

僚而卽位皆用公羊說黃氏專据史記以議公羊

未淺攷耳

昭五年經叔弓帥師敗莒師於濇泉傳曰濇泉者何

直泉也直泉者涌泉也元照案爾雅

釋水

濇泉正出

正出涌出也此傳之濇泉與詩之檻泉卽濇泉也

蓋其地有濇泉因以名其地如齊有梧邳營邳魯

有咸邳宋有泰邳陳有宛邳皆因有是邳而因以

爲名者也漢梁國碭縣因山出文石而名其縣爲

碭亦此例也

見漢書地理志注

邵公乃云蓋戰而涌爲異

又云百姓悲怨歎息氣逆之所致殆無稽之言也

徐新田云養原案邵公之說劉原父已辯之矣劉氏曰公羊曰潰泉者直泉也非也此地名耳豈謂戰而泉涌乎案戰而泉涌自是邵公之說劉氏乃併傳非之蓋不知傳之直泉是釋地名非論本事也

昭廿四年傳昭公將弑季氏告子家駒曰吾欲弑之

何如元照案以君殺臣而曰弑猶左氏之王貳于

虢王叛王孫蘇字法相類古人美惡輕重不嫌同

辭讀者不可以辭害志也洪景廬

容齋三筆十四

王伯厚

困學紀聞執貳叛二字詆斥左氏其論誠正然未明乎

古人用字之法不免冤古人矣邵公亦未知此意

強爲之說曰昭公素畏季氏意者以爲如人君故
言弑斯則實鑿無理不可以訓

穀梁隱五年傳苞人民毆牛馬曰侵范甯云制其人

民以制訓苞未詳所本唐石經初刻作包後增艸

頭元照案當以初刻爲正鄭注周易云包取一作聚

也繫辭包犧氏漢書叙傳下包漢舉信劉德云包取也

又通抱抱卽捋之或體見說文徐鼎臣云今作薄報切以爲褒褒字非是

爾雅釋詁捋今本聚也說文捋引取玉篇引也周易

釋文謙云哀鄭荀董蜀才作捋云取也

九年傳震雷也電霆也楊士勛疏云霆者霹靂之別
名有霆必有電故傳云電霆也或當電霆爲一也
楊說尙疑而未定元鼎案易繫辭鼓之以雷霆釋
文引蜀才云凝盧校改疑爲電莊子天運吾驚之以雷霆
釋文云霆徒佞也電也淮南兵略疾霆不及掩目夏
侯湛雷賦掣丹霆之皓李頤雷賦起偉霆於霄
際俱見初學記此皆以霆爲電與傳義符霆電聲相近
故可轉以相訓非止疾雷一訓也陸佃埤雅云霆
音廷則爲雷音挺則爲電愚謂四聲之別古人所

無母庸過爲區別也

九年經天王使南季來聘傳曰南氏姓也日知錄

廿七

云南非姓姓字衍文元照案范甯云南季天子之上大夫氏以爲姓也所以別姓者經有王季子來聘祭伯來王祭皆非姓也据此則范不以姓字爲衍又案莊元年夫人孫于齊傳曰不言氏姓貶之也僖八年傳言夫人必以其氏姓名言夫人而不以氏姓非夫人也氏姓連文穀梁屢見不可以爲衍文又案士昏禮祝告稱婦之姓曰某氏來歸又

在穀梁前矣日知錄禹貢雖指極論姓氏之別謂
涸姓氏爲一者始於史記殆非也

莊七年星隕如雨傳云其隕也如雨元照案如雨之
義二傳與左氏異左氏云與雨偕也故杜預以而
訓如公羊云如雨者何如雨者非雨也何邵公云
明其狀似雨爾穀梁義與公羊同而范氏亦訓如
爲而失其旨矣下文云著於上見於下謂之雨案
文三年雨螽于宋傳亦云著於上見於下謂之雨
益可證此傳之義與公羊合○論衡

說日

云辛卯之

夜實星若雨而非雨也亦用二傳之說

卅一年傳獻戎捷軍獲曰捷戎菽也范云菽豆元照

案爾雅

釋州

戎菽謂之荏菽孫叔然云大豆也毛詩

傳

大雅生民

荏菽戎菽也箋云戎菽大豆也此傳戎菽

二字當連讀戎大釋詁文也穀梁釋文云戎捷戎

菽也捷獲也楊疏云案管子云出戎菽及冬蔥布

之天下則以戎爲豆也

案管子亦當以戎菽連讀

陸楊皆以戎

字句絕恐失其讀矣

孫監察云志祖案戎菽或可單稱戎故經文也

傳以菽解之此說似泥

元照案因伐山戎所得故經曰戎捷僖廿一年經楚人使宜申來獻捷傳

曰捷軍得也其不曰宋捷何也范云据莊三十一年齊侯來獻戎捷据此則范不以戎爲菽明甚疏
自失
致耳

僖十九年傳梁亡鄭弇其師我無加損焉正名而已
矣元照案此殆引孔子之言也論語必也正名乎
鄭注正名謂正書字也古者曰名今世曰字聘禮
記曰百名已上書於策孔子見時教不行故欲正
其文字之誤此傳正名義亦如是蓋不言秦人滅
梁而曰梁亡不言鄭高克奔陳而曰鄭弇其師恐
後人疑不因魯史之舊文而有加損於其閒矣故

特發此論

卅三年傳匹馬倚輪無反者范云倚輪一隻之輪公

作隻邵公唐石經初刻作奇後增一旁元照案奇云隻踦也

倚一也說卦傳參天兩地而倚數蜀才作奇見釋文

周禮注引作奇荀子效儒倚物怪變楊注倚奇也韓

詩外傳五作奇物怪變又身脩倚魁之行楊注倚奇

也奇讀爲奇偶之奇莊子曰南方有倚人曰黃縹

也今本莊子大宗師作畸方言二倚踦奇也自關而

西秦晉之間凡全物而體不具謂之倚梁楚之閒

謂之踦○漢書五行志 又作觭亦同

宣二年傳靈公朝諸大夫而暴彈之范云暴殘暴元

照案荀子

富

暴暴如邛山楊注暴暴卒起之貌呂

覽

察

灘水暴溢高注暴卒也大戴禮

保

傳何殷周有

道之長而秦無道之暴也盧注暴卒疾也曲禮上

已孤暴貴史記

項羽本紀

何興之暴也說文部暴疾有

所趨也廣雅

釋詁

暴猝也暴彈乘其不備而猝然

彈之也范解未允

定十五年經戊午日下稷范云稷下吳謂哺時

詳惠氏周

易古義

左氏公羊皆作吳元照案史記天官書云旦

至食爲麥食至日昃爲稷昃至舖爲黍舖至下舖

爲菽下舖至日入爲麻據此則稷依本字訓之較

爲近古

臧在東云天官書之傳流遠矣引以注穀梁最合也

昌歎見左僖卅年傳杜云昌歎昌蒲菹正義云齊有

邛歎魯有公甫歎其音爲觸說文云歎盛氣怒也

從欠蜀聲此昌歎之音相傳爲在感反不知其字

與彼爲同爲異徧檢書傳昌蒲之草無此別名未

知其所由也日知錄

四

云玉篇有歎字徂敢切昌

蒲蒹然則傳之昌歆正合此字而唐人已誤作歆

元照案歆字之義與傳誠不符然依玉篇定爲歆

恐亦非也說文歆歆歆也

歆心有所惡若吐也

歆之俗體作

噉

亦見說文○噉就聲相近

歆歆之義俱非昌蒲若云借用亦

無所取元照竊疑字當爲歆書呂刑剗刵桷黔桷

今文作剗

見正義

古文作歆

說文支部

鄭氏注周官

天官醢人

云昌本昌蒲根切之四寸爲蒹元照謂切之用刀

故云歆較歆歆二文義差近之未知允否

唐石經公穀二傳不分析經傳與左氏不同而穀梁

離析經文又閼異於公羊明監本汲古閣本錯亂

顛倒當据石經校正莊七年恆星不見下接傳文

恆星者經星也云夜中星隕如雨下接傳文其

隕也如雨云今本經中不見下有夜中星隕如

雨六字非也此處唐石已殘闕据宋本注疏如此

又廿五年六月辛未朔日有食之下接傳文言日

言朔食正朔也鼓用牲于社下接鼓禮也云今

本誤以鼓用牲于社列於言日言朔之上則經傳

倒置矣僖元年夫人姜氏薨于夷下接傳文夫人

夢不地地故也齊人以歸下接傳文不言以喪歸

云

云今本以齊人以歸誤置於夫人夢不地之上

又廿一年公會諸侯盟于薄下接傳文會者外爲

主焉爾釋宋公下接傳文外釋不志

云

今本釋

宋公置於會者外爲主之上宣八年壬午猶釋下

接傳文猶者可以已之辭也

云

其下萬入去籥

四字經文也今本猶釋之下誤有萬入去籥四字

則衍文也又十八年歸父還自晉下接傳文還者

事未畢也

云

云其下至檉遂奔齊經文也遂繼事

也傳文也今本歸父還自晉下誤衍至檉遂奔齊

五字成七年麇鼠食郊牛角下接傳文不言日急

辭也

云

改卜牛麇鼠又食其角下接傳文又有

繼之辭也

云

乃免牛下接傳文乃者亾乎人之

辭也

云

今本於食郊牛角下誤衍改卜牛云云

十一字昭廿三年胡子髡沈子逞滅下接傳文中

國不言敗

云

獲陳夏齧下接傳文獲者非與之

辭也

云

今本滅字下誤衍獲陳夏齧四字又廿

五年公孫于齊下接孫之爲言

云

次于陽州下

接傳文次止也今本次于陽州誤置公孫于齊之

下此處唐石殘闕明補者亦與今本同定十一年宋公之弟辰下接

傳文宋失其弟也又及仲伯石疆公子地下接傳

文以尊及卑也又自陳下接傳文陳有奉焉爾又

入于蕭以叛下接傳文入者內弗受也云合本

先綜舉經文於上而不知自宋公之弟以下廿字

盡衍文也哀二年取潞東田下接傳文潞東未盡

也又及沂西田下接傳文沂西未盡也合本於帥

師伐邾下誤衍取潞東田及沂西田八字以上十

如四
三
一條宋時監本附音注疏皆與石經同唯明人補刻石經則與今本同不足據也

開成石經乾符時重加修改文字或增或刪皆就碑磨治碑每行十字其或縮而爲九溢而爲十一者皆修改時有增刪也其字迹未盡泯滅細審可以得之大拓改刻不如初刻之可信穀梁磨改處甚多未有爲之申明者不可不盡心焉桓五年螽蟴蟲災也又僖十五年八月螽蟴蟲災也此二處初刻皆不重螽字磨改增入案隱五年九月螟傳曰

蟲災也並不重螟字此傳文法最整齊畫一當援以爲例磨增兩蠡字皆當刪也莊七年星隕如雨傳云中之幾也而日夜中事著焉爾初刻有事字後磨去案疏云幾微也中微難知而日夜中者是事之著見焉爾据此則事字當有又案注云中微難知而日夜中自以實著爾自恐事之譌又十七年鄭詹鄭之佞人也初刻無鄭之二字僖二年惡公子友之給初刻有友字案下文三稱公子友此字不應刪又十二年管仲死楚人伐江滅黃初刻

如此後磨改以人字爲楚字下體文十一年經叔仲彭生會晉卻缺于承匡初刻有仲字磨改去之案左傳叔彭生釋文云本或作叔仲彭生仲字衍据此則仲字非是或穀梁舊本與左氏異亦未可定昭七年君子不奪人名不奪人親之所名重其所以來也王父名子也此處磨改共五行初刻大異不能盡得其可知者君子不奪人名之下有不奪人名者一句此數條初刻皆唐時舊本自改刻之後久已泯沒矣甚可惜也